



IOannes ille in oppido Alfatia Keyfersperg natus & educatus fuit. Is sese amore literarum ad varias Academias contulit, atque magnam cognitionem Philosophia & bonarum artium acquisiuit. In primis autem Theologiae operam dedit, atque creatus Doctor plurimum in ea promouit. Cum autem is Ioannis Gersonis (qui tempore Concilij Constantiensis uixerat) ingenium & scripta miraretur, eius opera magnis sumptibus et laboribus in Gallia collegit, atque secum in Germaniam adduxit. Ea in tres partes distinxit, atque aeneis typis imprimi curauit. Cum autem huius Keyferspergeri eruditio & pietas ubique innotesceret, Argentinæ concionantibus præficitur. Ibi magna cum laude & singulari facundia uitia detestatus, homines ad ueram pietatem & uirtutes adhortatus est. Inter alia autem uarias superstitiones in Ecclesia inueteratas taxabat, atque monachorum spinis repudiatis sacrarum literarum libros in medium reuocabat, admonens nostræ religionis fundamenta ex Biblijs, non aliunde depromenda esse. Itaque nigros monachos uocabat diabolos, & albos eius matrem, uerum mixtos eorum pullos. Vnde eos sibi semper aduersarios habuit. Prædixit etiam religionem esse corruptam, uenturumque quendam diuinitus excitatum, qui eam instauret. Eamque diem uidere exoptauit. Floruit is anno 1496. Trit.